


431

ԱՏԵՏՐ

Դ. տարի  
ԺԲ. սպ.

ԿՐՕՆԻ



1-166 1. 25 կող.

Մահալ աւ . ժն. Սահալ կեանք

2(075)  
U-15

КНИЖНЫЙ МАГАЗИНЪ  
М. П.  
ШИРШАКОВАЦЪ  
СЪ БРАТЬЯМИ  
БАКУ, на Парапетѣ.

1907

1907

4907

010

220  
624-04

2(025)  
4-15

Գ. տարի  
Ժ. տպ.

# ԴԱՍԱՏԵՏՐ



## ԿՐՕՆԻ

1004  
1997

(Համաձայն նորագոյն ծրագրի)  
ժխական դպրոցների համար

220  
624-04

Ս ա հ կ ա լ. ք հ. Ս ա հ կ Է ա ճ ց

Գինն է 25 կպ.

104851-42

Ի ՀԱՅՐԱՊԵՏՈՒԹԵԱՆ

## Տ. Տ. ԳԷՈՐԳ Ե.

Սրբազնագոյն Կաթողիկոսի Ամենայն Հայոց, ժայրագոյն Պատրիարքի Համազգական Եպիսկոպոս Արարատեան Առաքելական Մայր Աթոռոյ Սրբոյ Կաթողիկէ Էջմիածնի:

Ա.  
ԻՍՐԱՅԷԼԱՑԻՈՑ ԱԶԳԻ ՊԱՏՄՈՒԹԻՒՆԸ

Ա. Մ Ո Վ Ս Է Ս

### 1. ԻՍՐԱՅԷԼԻ ՆԵՂՈՒԹԻՒՆՆԵՐԸ ԵԳԻՊՏՈՍՈՒՄ

Յովսէփը մեռել էր: Մեռել էին նրա բոլոր




Փարաօն

հղբայրները. անցել էր 430 տարի, բայց նրանց ժառանգներն այնքան էին բազմացել, որ երկիրը լեցունել էր: Այդ ժամանակ եգիպտոսում նոր փարաօն էր իշխում, որը Յովսէփին մոռացել էր: Նա ասաց եգիպտացիներին.

«Իսրայելացիները չափից դուրս բազմացել են, եթէ մի պատերազմ պատահէ, կարող են թշնամու հետ միանալ ու մեր դէմ պատերազմել, ուստի պէտք է նրանց ոչնչացնել»:

Սրա համար թագաւորը վերակացուներ նշա-  
նակեց, որ չարչարեն նրանց: Եւ նրանք անգուժ  
կերպով ստիպում էին իսրայելացիներին աշխա-



տելու թէ աղիւսի գործարաններում և թէ դաշ-  
տերում—փարաւոնի համար ձրի, ամուր քաղաք-  
ներ և շտեմարաններ պէտք է շինէին: Բայց որ-  
քան եզիպտացիները չարչարում էին իսրայելա-


ցիներին, այնքան նրանք աճում և բազմանում-  
էին: Փարաւոնը տեսաւ, որ այս միջոցով իւր  
նպատակին չէ հասնում, հրամայեց եբրայեցի-  
ների նորածին արու զաւակներին ջուրը ձգեն,  
իսկ աղջիկներին՝ խնայեն:

## 2. ՄՈՎՍԷՍԻ ԾՆՈՒՆԴԸ ԵՒ ԱԶՍՏՈՒԹԻՒՆԸ

Ղևիի ցեղից մէկը՝ Ղեւի անունով մի մար-  
դու աղջկայ հետ ամուսնացաւ և նրանից մի գե-  
ղեցիկ արու զաւակ ունեցաւ: Մայրը երեք ա-  
միս ծածուկ էր պահում: Երբ այլ ևս անկարող  
եղաւ թաք կացնել, եղեգնից մի գամբիւղ հիւ-  
սեց, կպրածիւթով ծեփեց. աղային նրա մէջը  
զրաւ և Նեղոսի եղեգնուտ ափը թողեց: Մանկան  
քոյրը հեռուից դիտում էր՝ տեսնելու թէ եղբօրն  
ինչ կպատահէ:

Փարաւոնի աղջիկը Նեղոսի ափն իջաւ լո-  
զանալու: Նաժիշտները գետի ափում շրջում էին:  
Թագաւորի աղջիկը հեռուից նկատեց զամբիւղը,  
նաժիշտներից մէկին ուղարկեց, որ բռնէ: Հրա-  
մանը կատարուեց, զամբիւղն իրան բերին, բաց  
արեց ու տեսաւ, որ մէջը մի մանուկ լաց էր  
լինում: Թագաւորի գուստըրը զթաշարժուեց և ա-  
սաց. «Սա եբրայեցիների մանուկներից պիտի  
լինի»: Մանուկի քոյրը մօտեցաւ և ասաց փա-  
րաւոնի աղջկան. «Արգեօք չես կամենայ մի եբ-

բայեցի ծծմայր կանչեմ, որ մանկանը կերակրէ»:  
 Փարաւոնի աղջիկն ասաց. «Գնա՛ւ և կանչիր»:  
 Աղջիկն շտապեց հարազատ մօրը կանչելու:



Մայրն եկաւ: Փարաւոնի աղջիկն ասաց. «Տա՛ր այս մանուկը քեզ մօտ, մեծացրո՛ւ, ես քո վարձը կվճարեմ»:  
 Մայրն առաւ մանկանը և պահում էր: Երբ մեծացաւ, թագաւորի աղջկայ մօտ բերաւ: Իշխանուհին որդեգրեց նրան և անուանեց Մովսէս, որ նշանակում է շրից հանած: Մովսէսն ուսաւ Եգիպտոսում այն բոլոր գիտութիւնները, որոնք յայտնի էին այն ժամանակ և դարձաւ մի իմաստուն մարդ:

### 3. Մ Ո Վ Ս Է Ս Ի Փ Ա Խ Ո Ի Ս Տ Ը

Երբ Մովսէսը չափահաս դարձաւ, գնաց իւրայելացիների մօտ նրանց չարչարանքները տեսնելու: Մի անգամ նկատեց, որ վերակացուն մի իւրայելացու ծեծում էր: Նայեց իւր շուրջը և երբ ոչ ոքի չտեսաւ, սպանեց եգիպտացուն և թաղեց աւազի մէջ:

Միւս անգամ ևս դուրս գնաց և տեսաւ, որ երկու իւրայելացիներ են միմեանց հետ կրո-



ւում, Մովսէսը դարձաւ յանցաւորին ու ասաց. «Ի՞նչու ես քո ընկերին ծեծում»: Նա պատաս-

խանեց. «Քեզ ով նշանակեց մեզ վրայ դատաւոր, չլինի՞ ինձ էլ այն եզրպատացու նման ուզում ես սպանել»: Մովսէսը զարհուրեց, երբ իմացաւ՝ իւր սպանութեան յայտնի լինելը: Այս բանը փարաւոնի ականջին հասաւ: Նա կամենում էր Մովսէսին սպանել, բայց սա փախաւ Մադիամացոց երկիրը:

Մադիամի քուրմը եօթն աղջիկ ունէր: Նրանք եկան ջրհորի մօտ՝ խաշները ջրելու համար: Ուրիշ հովիւներ ևս եկան և աղջիկներից խլեցին ջրի հերթը: Մովսէսը տեղից վեր կացաւ, օգնեց աղջիկներին և խաշներին խմացրեց:

Երբ աղջիկները տուն դարձան, հայրը հարցրեց. «Ի՞նչու այսօր վաղ եկաք»: Նրանք պատասխանեցին. «Մի եզրպատացի օգնեց մեզ, ջուր հանեց և մեր ոչխարներին խմացրեց»: Յոթորն ասաց. «Ո՞րտեղ է այն մարդը, ի՞նչու նրան հացի չկանչեցիք»: Մովսէսին տուն հրաւիրեցին: Յոթորը յանձնեց նրան իւր ոչխարները, որ արածացնէ և վերջը իւր Սեպուրա աղջկայ հետ էլ ամուսնացրեց:

#### 4. ԱՍՏՈՒԱԾ ԿԱՆՉՈՒՄ Է ՄՈՎՍԷՍԻՆ

Մովսէսն անապատում արածացնում էր Յոթորի խաշները: Մի անգամ մօտեցաւ Բորնը լեռանը և տեսաւ, որ մի մորննի վառվում էր,

բայց չէր այրում: Մովսէսը մօտեցաւ իմանալու, թէ սա ինչ բան է: Իսկոյն թփի միջից ձայն ելաւ. «Մովսէս, Մովսէս»: Նա պատասխանեց. «Ի՞նչ է, Տէր»: Ձայնը կրկնեց. «Հան կօշիկներդ, այդ տեղը սուրբ է: Ես եմ Աբրահամի, Իսահակի և Յակոբի Աստուածը: Ես տեսայ իմ ժողովրդի նեղութիւնները Եգիպտոսում. ես կամենում եմ նրան Քանան տանել, ուր մեզը և կաթն է բոխում: Գնա Եգիպտոս փարաւոնի մօտ և աս, որ իմ ժողովուրդն ազատէ»: Մովսէսն ասաց Աստծուն. «Եթէ ես իսրայէլացիների մօտ գնամ և ասեմ, թէ ձեր հայրերի Աստուած Նհովան ինձ ուղարկել է, չեմ հաւատայ»: Աստուած ասաց. «Ձեռիդ գաւազանը գետին ձգիր»: Նա էլ ձգեց և գաւազանն օձ դարձաւ: Մովսէսը փախեց ու փախաւ: Աստուած ասաց. «Բռնիր օձին»: Նա բռնեց և օձն իսկոյն գաւազան դարձաւ: Աստուած շարունակեց. «Ձեռդ ծոցդ դիր»: Դրաւ, բայց դուրս հանելիս՝ տեսաւ, որ բորոտուել է—սպիտակ՝ ինչպէս ձիւն: Աստուած ասաց նրան. «Ձեռդ նորից ծոցդ դիր»: Նա էլ կատարեց և տեսաւ, որ միւս ձեռի նման առողջ է: Աստուած ասաց. «Եթէ այս երկու հրաշքերին չեմ հաւատայ, Նեղոսից ջուր կառնես, կսրսկես գետնի վրայ— գետի ջուրն իսկոյն արիւն կդառնայ»:

Մովսէսն ասաց Աստծուն. «Տէր, ես ծան-

րալեզու եմ»։ Աստուած ասաց. «Քո ճարտարա-  
խօս եղբայր Ահարոնը քեզ հետ կգայ, քո փոխա-  
րէն ժողովրդի հետ նա կխօսէ»։


Այս բանից ետոյ Մովսէսը Յոթորի մօտ  
գնաց և ասաց. «Ուզում եմ եզիպտոս դառնալ  
և տեսնել, թէ իմ եղբայր իսրայէլացիները կեն-  
դանի են թէ՞ ոչ»։ Յոթորն էլ ասաց Մովսէսին.  
«Գնա խաղաղութեամբ»։ Մովսէսն անապատում  
հանդիպեց Ահարոնին և յայտնեց նրան Աստու-  
կամբը։ Մովսէսը տեղեկացաւ, որ հին փարաւոնն  
արդէն մեռել է։ Երկու եղբայրները գնացին և  
իսրայէլի ժողովրդի ծերերին մի տեղ հաւաքե-  
ցին։ Ահարոնը յայտնեց նրանց Աստու-  
կամբը, իսկ Մովսէսը ցոյց տուաւ հրաշքները ժո-  
ղովրդի առաջ։ Երբ ծերերն իմացան, որ Աս-  
տուած ուզում է իրանց ազատել, սկսեցին ա-  
ղօթել և շնորհակալութիւն անել։

##### 5. Ե Գ Ի Պ Տ Ո Ս Ի Յ Գ Ո Ի Ր Ս Գ Ա Լ Ը

Իսրայէլացիները համաձայնութիւնն անե-  
լուց ետոյ՝ Մովսէսն ու Ահարոնը գնացին փա-  
րաւոնի մօտ և ասացին. «Իսրայէլի Աստուածն  
ասում է—արձակիր իմ ժողովրդին» և ցոյց  
տուին հրաշքները։ Փարաւոնը բարկացաւ և ա-  
սաց. «Այդ Աստուծոն ես չեմ ճանաչում»։

Փարաւոնն իսկոյն հրամայեց վերակացու-

ներին, որ ժողովրդին աւելի չարչարեն։ Վերա-



կացուները թագաւորի կամքը կատարեցին։

Իսրայէլացիները գանգատուեցին Մովսէսին,  
Ահարոնին և ասացին. «Աստուած ձեր դատաս-

տանն անէ. դուք թագաւորին բարկացրիք մեզ վրայ): Մովսէսն սկսեց խնդրել Աստուծոն և ա- սել. «Տէր, ինչու ես քո ժողովրդին չարչարում. այն օրից, երբ ես փարաւոնի մօտ գնացի, նը- րանց աւելի ես նեղացնում»: Աստուած ասաց Մովսէսին. «Այժմ դու կտեսնես, թէ ես փարա- ւոնին ինչ կանեմ»:

Սրանից ետոյ Աստուած մինը միւսի ետե- ւից պատիժներ ուղարկեց եգիպտացիների հա- մար—գորտ, մուկ, կարկուտ, մօրեխա..., միայն Գեսեմ երկիրն ազատ մնաց: Այն ժամանակ ե- գիպտացիներն ասացին. «Աստուած սրանց հետն է»: Հէնց որ մի պատիժ գալիս էր, փարաւոնն ասում էր Մովսէսին և Ահարոնին. «Ժողովրդին կարձակեմ», իսկ երբ պատիժն անցնում էր, խօսքը փոխում էր:

Աստուած ասաց Մովսէսին. «Մի պատիժ էլ կուղարկեմ և փարաւոնը կարձակէ ձեզ: Կէս գիշերին Եգիպտոսի բոլոր անդրանիկները կմեռ- նեն, իսկ իսրայէլացիներից ոչ ոք չի վնասուի»:

Աստուած շարունակեց խօսել Մովսէսի հետ. «Յայտնիր ժողովրդին, որ այս ամիսը նրանց համար առաջին ամիսը (նիսան) պիտի լինի. այս ամսի տասն եւ չորսին ամեն տան տէր երեկո- յեան պէտք է մի զանր մորթէ, ամբողջապէս խորովէ և իւր ընտանիքի հետ գիշերն ուտէ: Իրա հետ պէտք է ուտեն ըստարջ հաց: Ընթ-

րիքն այսպէս կանեն—գօտին կապած, կօշիկնե- րը հագած, գաւազանը ձեռին»: Այդպէս էլ արին:

Այդ միւստայն գիշերն Աստուած սպանեց Ե- գիպտոսի բոլոր անդրանիկներին: Փարաւոնը կանչեց Մովսէսին, Ահարոնին և ասաց. «Շտա- պեցէք, հեռացէք իմ երկրից»: Այսպէս իսրայէ-




լացիները Եգիպտոսից դուրս եկան՝ թուով վեց հարիւր հազար՝ չհաշուելով կանանց և երեխանե- րին: Իսրայէլացիները չորս հարիւր երեսուն տարի Եգիպտոսում մնալուց ետոյ՝ հեռացան: Մովսէսը տարաւ իւր հետ Յովսէփի ոսկորները և: Աստուած նրանց մի ամպէ սիւն տուաւ՝ ցերեկը, իսկ մի կրակէ սիւն էլ՝ գիշերն առաջնորդելու համար:

6. Կ Ա Ր Մ Ի Ր Ծ Ո Վ Ն Ա Ն Յ Ն Ե Լ Ը

Իսրայելացիների դուրս գալուց ետոյ՝ թագաւորի սիրտը նորից փոխուեց—նա ասաց. «Ի՞նչու արձակեցի ձրի մշակներին»: Ուստի վեր առաւ զօրք, վեց հարիւր պատերազմական կառք, հեծելազօր և հասաւ նրանց Կարմիր ծովի մօտ:

Երբ իսրայելացիները տեսան եգիպտացիներին, խիստ վախեցան, սկսեցին գանգատուել Աստծուն և ասել Մովսէսին. «Մի՞թէ Եգիպտոսում գերեզմաններ չկային, որ մեզ բերիր այս տեղ թողելու»: Մովսէսը պատասխանեց. «Մի՞



վախենաք, դուք շուտով կտեսնէք, թէ Աստուած ինչպէս է ազատելու ձեզ»:

Աստուած ասաց Մովսէսին. «Ա՛ռ գաւազանդ և խփիր ծովի ջրին»: Երբ Մովսէսը խփեց, ջուրը՛ն իսկոյն երկու կողմից պատի նման կանգնեց, քամի փչեց, յատակը շորացրեց և իսրայելացիները միւս ափն անցան: Եգիպտացիները



կառքերով և երիվարներով հետևեցին նրանց:

Աստուած ասաց Մովսէսին. «Գաւազանդ խփիր ծովին, որ ջուրը միանայ»: Մովսէսն այնպէս էլ արաւ և ծովը միացաւ: Եգիպտացիներն սկսեցին փախչել, իսկ ջուրը ծածկեց փարաւոնի զօրքին—ոչ մէկն էլ կենդանի չմնաց:

Մովսէսի քոյր Մարիամը շատ իսրայելացի կանանց հետ սկսեցին երգել և ասել. «Օրհնեցէք Աստծուն, նա փառաւոր գործ կատարեց

-փարաւոնին պատժեց, Աստուած մեր օգնականն է:


Դ. ԻՍՐԱՅԷԼԱՅԻՆԵՐՆ ԱՆՅՆՈՒՄ ԵՆ ԱՆԱՊԱՏՈՎ

Մովսէսը շարունակեց ճանապարհը Կարմիր ծովից դէպի անապատ՝ երեք օր շարունակ: Վերջապէս հասան Մեռա, որտեղի ջուրը դառն էր: Ժողովուրդը զանգատուեց Մովսէսին և ասաց. «Ի՞նչ պէտք է խմենք»: Մովսէսն աղօթեց Աստուծուն: Աստուած Մովսէսին մի փայտ ցոյց տուաւ, որը ջուրը ձգեց և իսկոյն քաղցրացաւ:

Այդ տեղից իսրայելացիները եկան Սին անապատը: Իսրայելացիները նորից զանգատուեցին Մովսէսին և Ահարոնին. «Երանի մենք Եգիպտոսում մեռնէինք. այնտեղ կաթսաներով միս ունէինք և առատ հաց. դուք բերիք մեզ այս անապատ տեղը սովամահ անելու»: Աստուած ասաց Մովսէսին. «Ես երկնքից հաց կթափեմ ներանց համար. ժողովուրդը թող ամեն օր մի օրուայ պաշար ժողովէ, իսկ վեցերորդ օրը թող երկու անգամ աւելի հաւաքէ»: Մովսէսն ու Ահարոնը յայտնեցին այս բանն իսրայելացիներին և ասացին. «Երեկոյեան միս կունենաք, իսկ առաւօտեան՝ հաց»: Երեկոյեան դէմ եկան լորտա-

մարդիները և ծածկեցին ամբողջ բանակը, իսկ առաւօտը գետինը պատած էր ցօղով: Երբ ցօղը հեռանում էր, գետնի վրայ մնում էր կլոր և սպիտակ՝ եղեամի նման մի բան: Իսրայելացիները,


14861  
4001



ՀԱՅԱՍՏԱՆԻ ԳՐԱԴԱՐԱՆ  
ԿՅԱԿՅԱՆ ԲԻՈԼԻՈՏԵԿ  
22  
ՄԱՐԿՈՍԻԱ  
ՀԱՅԱՍՏԱՆԻ ԱՆՎԱՆ

երբ այս բանը տեսան, հարցնում էին իրար. «Այս ի՞նչ բան է»: Մովսէսն ասաց. «Սա Աստու-

ծու ուղարկած հացն է»։ Իսրայէլացիներն այս հացի անուըր մանանայ դրին և առաւօտներն



Մանանայի ծուա \*

էին հաւաքում։ Այսպէս նրանք միշտ մանանայ էին ուտում՝ քանի որ անապատումն էին։

\*) Արարական թեոակզու վրայ, որտեղով Մովսէսը իսրայէլացիներին Քանան պիտի տանէր, մի տեսակ թուփ կայ՝ տամարիս կ'անուանուի։ Սրա ընի և ճիւղերի վրայ կլոր, բրթոտ հատիկներ են գոյանում (ա.), (բ. նոյնը մեծացրած), (գ. հատիկի ներքին մասը)։ Այդ հատիկները արևի ջերմութիւնից հալում և վայր են ձորում (դ.)։ Այս կլոր, սպիտակ և բրթոտ հատիկները կոչւում են մանանայ։

Տ. Ս Ի Ն Ա Յ Ի Օ Ր Է Ն Ս Տ Ի Ո Ի Թ Ի Ի Ն Ը

Եգիպտոսից դուրս գալու երրորդ ամսում իսրայէլացիները հասան Սինա լեւոռը։ Մովսէսը սարը բարձրացաւ։ Աստուած ասաց նրան. «Իսրայէլացիներին այսպէս կասես—դուք տեսաք, թէ ես եգիպտացիներին ինչ արի։ Ինչպէս ձեզ ազատեցի. եթէ ինձ լսէք, ընտրեալ ժողովուրդս կլինէք բոլոր ազգերի մէջ։ Դուք քահանաների նման ուսուցիչ պիտի լինէք և բոլոր ազգերին քարոզէք իմ կամքը»։ Մովսէսն իջաւ լեռնից և Աստծու կամքը յայտնեց նրանց։ Բոլոր ժողովուրդն ի միասին պատասխանեց. «Աստծու բոլոր պահանջները կկատարենք»։ Մովսէսը յայտնեց այս բանն Աստծուն։ Աստուած ասաց նրան. «Եթէ այդպէս է, գնա ժողովրդի մօտ և պատուիրիր, որ լուացուեն, մաքրուեն և երրորդ օրը մաքուր շորերով ինձ մօտ բեր»։ Մովսէսն այդպէս էլ արաւ։

Վերջապէս հասաւ երրորդ օրը։ Առաւօտը վաղ՝ լեռան սկսաւ որոտալ և կայծակել. մռթ ամպերը ծածկեցին սարի գլուխը և փողի ձայն էր լսում։ Մովսէսը ժողովրդին բանակից դուրս հանեց ու տարաւ սարի մօտ։ Սինա լեռան ամբողջապէս ծխի մէջ կորած էր. կրակի բոցեր էին բարձրանում և շարժում էր—փողի ձայնը հետզհետէ սաստկանում էր։

Հէնց այդ ժամանակ Աստուած սկսաւ խօսել ժողովրդի հետ և ասել.

ա. 1. «Ես եմ՝ քո Տէր Աստուածը—բացի ինձնից ուրիշ Աստուած չունենաս»,

բ. 2. Կուրք չընես ու երկրպագութիւն չտաս նրան,

գ. 3. Բո Աստու անունով սուտ մի՛ երդուիր,

դ. 4. Շարաթ օրը սուրբ պահի՛ր,

ե. 5. Պատուի՛ր քո հօրն ու մօրը, որ երկար կեանք ունենաս,

զ. 6. Մի՛ սպանիր,

է. 7. Մի՛ շնար,

ը. 8. Մի՛ գողանար,

թ. 9. Բո ընկերոջ մասին սուտ վկայութիւն մի՛ տուր,

ժ. 10. Մի՛ ցանկանար քո ընկերոջ աղախնին, ծառային, տանը, արտին, եզանը, էջին եւ ինչ որ նրանն է:

Ժողովուրդը հեռացաւ, իսկ Մովսէսը նորից լեառը բարձրացաւ: Աստուած խօսում էր Մովսէսի հետ: Մովսէսը լեռնից վայր իջաւ և յայտնեց ժողովրդին Աստու քոյր պատուէրները:

Մովսէսը դարձեալ բարձրացաւ լեառը և քառասուն օր այնտեղ մնաց: Երբ Աստուած իւր խօսակցութիւնը վերջացրեց Մովսէսի հետ Սինայ լեռան վրայ, երկու քարէ տախտակներ տու-


աւ նրան, որի վրայ գրուած էին պատուիրանները, որպէսզի չմոռանան:



### 9. Ո Ս Կ Է Զ Ո Ր Թ Ը

Երբ ժողովուրդը տեսաւ, որ Մովսէսն ուշացաւ, մի քանի խռովարար մարդիկ եկան Ահարոնի մօտ և ասացին. «Շինիր մեզ համար աստուածներ, որոնք մեզ առաջնորդեն, Մովսէսը չգիտենք ինչ եղաւ»: Ահարոնը պատասխանեց. «Բերէք ինձ ձեր կանանց և աղջիկների ոսկէ գնդերը»: Նրանք էլ բերին: Ահարոնն այդ զարդերից մի ոսկէ հորթ ձուլեց: Նոր Աստուած ցան-

կացողները, երբ տեսան, որ իրանց գործը յաշողեց, ժողովրդին ասացին. «Ահա՛ ձեր Աստուա-



ծը»: Ահարոնն էլ սեղան շինեց և ասաց. «Վաղը Աստծու տօնն է»: Առաւօտը վաղ՝ ժողովուրդը ողջակէզ արաւ, սկսեց ուտել, խմել և պարել ոսկէ հորթի շուրջը:

Հէնց այդ ժամանակ Մովսէսն իջաւ լեռնից՝ ձեռին բռնած երկու քարէ տախտակները: Երբ բանակին մօտեցաւ, տեսաւ ոսկէ հորթը և պարաւորներին, բարկացաւ, տախտակները ձեռից վայր ձգեց և կտորատեց: Ետոյ նրանց շինած ոսկէ հորթն այրեց. փոշի գարծրեց. ջրի մէջ ածեց և իրանց խմացրեց: Ապա Ահարոնին գար-




ձաւ և ասաց. «Այս ժողովուրդը քեզ ի՞նչ արեց, որ այսպիսի յանցանքի մէջ ձգեցիր»: Ետոյ գարձաւ ժողովրդին և ասաց. «Ճշմարիտ Աստծուն պաշտողները թնդ ինձ մօտ գան»: Ղևիի բոլոր ցեղը նրա մօտ հաւաքուեց: Մովսէսն ասաց. «Հանէք ձեր սրերը. անցէք բանակի մի ծայրից

միւսը և սպանեցէք կուռք պաշտողներին»: Ահի որդիները կատարեցին Մովսէսի հրամանը: Այդ օրը երեք հազար մարդ սպանուեց:

Առաւօտը Մովսէսն ասաց ժողովրդին. «Գուք մեծ յանցանք էք գործել. ես լեառը կբարձրանամ. Աստծուն կխնդրեմ, որ ձեր յանցանքը ներէ»: Մովսէսն ասաց Աստծուն. «Ժողովուրդը մեծ յանցանք է գործել, ներիր, իսկ եթէ չես ների, այն ժամանակ իմ անունն էլ քո ցուցակից ջնջիր»: Աստուած ասաց Մովսէսին. «Յանցաւորների անունները կջնջեմ, իսկ դու գնա և առաջնորդիր նրանց»: Աստուած ասաց Մովսէսին. «Երկու քարէ տախտակներ բեր, որ առաջին տախտակների պատգամները գրեմ»: Մովսէսը կատարեց Աստծու պատուէրը: Աստուած նորից գրեց տախտակների վրայ պատգամները:

Այդ տախտակները կոչուում են տասնաքանեայ պատգամներ, որոնց պահում էին մի ոսկէզօծ արկղի մէջ, որ կոչուում էր ուխտի տապանակ:



## 10. Լ Ր Տ Ե Ս Ն Ե Ր


**Ի**սրայէլացիները մի ամբողջ տարի մնացին

Մինա լերան մօտ: Դրանից ետոյ գնացին դէպի Փառան անապատը: Այնտեղ Աստուած խօսեց Մովսէսի հետ և ասաց. «Իւրաքանչիւր ցեղից մի մարդ ընտրիր և ուղարկիր, որ Բանանը լրտեսեն»: Մովսէսը տասներկու մարդ ընտրեց ու Քանան ուղարկեց: Իրանց մէջն էր և Յեսու անունով մէկը: Մովսէսը պատուիրեց նրանց և ասաց. «Գնացէք և տեսէք, թէ ինչպիսի երկիր է Քանանը. ովքեր են նրա բնակիչները. զօրեղ թէ թոյլ մարդիկ են. բազմամարդ է երկիրը, թէ սակաւամարդ. հաստատուն և ամուր քաղաքներում են ապրում, թէ վրանների տակ. երկիրը պտղաւէտ է՝ թէ ոչ: Վերադառնալիս երկրի պատուհներից հետներդ բերէք»:

Սրանք գնացին և լրտեսեցին ամբողջ երկիրը: Եւ դարձան Քեբբոն, ուր մի հատ որթ կտրեցին ողկուզով և երկու մարդիկ լծակով հտները բերին: Քառասուն օրից ետոյ վերադարձան Փառան և ցոյց տուին հետները բերած պատուհները: Լրտեսողներից տասը հոգի ասում էին. «Մենք գնացինք այն երկիրը, ուր մեղր ու կաթն է ըղիտում. բնակիչները զօրեղ մարդիկ են. քաղաքներն ամուր են և մեծ»: Իսկ Յեսուն և Քաղէրն ասում էին. «Մենք կարող ենք Քանանը նուաճել: Միւսները հակառակում էին և ասում. «Մենք չենք կարող նրանց հետ կռուել, նրանք մեզնից շատ զօրեղ են — Քանանում այնպիսի

հսկայ մարդիկ տեսանք, որ մենք մտրելս էինք երեւում նրանց առաջ»:

Մտքով ժողովուրդը ուրիշ կանգնեց, սկսեաւ ազդարակել և լաց լինել: Կրկին տրտնջացին Ահարոնից, Մովսէսից և ասացին. «Երանի՛ Եգեպտոսում մեռած լինէինք: Ընտրե՛նք նոր առաջնորդ»:




ներ և վերադառնանք Եգիպտոս»:

Ժողովուրդը քիչ մնաց որ քարկոծէր երկուսին էլ:

Այս բանից ետոյ Սատուած ասաց Մովսէսին. «Մինչև երբ պէտք է այս ժողովուրդն ինձ բարկացնէ և իմ հրաշքերին չհաւատայ, ես կը պատժեմ զրանց. նրանցից ոչ մինը չպիտի տես-

նէ Սոստացեալ երկիրը. նրանց ոսկորները պիտի փսղեն անապատում. քսան տարեկանից մեծը չի մտնի Քանան, իսկ զուք քստատուն տարի-



անապատում հովիւներ կլինէք, առաւօտը վերադարձէք Կարմիր ծովի անապատը»:

Մովսէսն այս բոլորը յայտնեց իսրայէլացիներին: Ժողո-

վուրդը լաց էր լինում: Նրանք ետ դարձան անապատ:


Այստեղ իսրայելացիները 40 տարի մնացին և մեծ նեղութիւն էին կրում -- անապատում թունաւոր օձեր կային, խայթում էին և մահացնում: Ժողովուրդը գանգատուեց Մովսէսին և խնդրեց, որ ազատէ օձերից: Մովսէսն էլ Աստծու հրամանով մի պղնձե օձ շինել տուաւ, բարձրացրեց խաչաձև ձողի վրայ և ասաց. «Ումն օձը խայթէ, թող նայէ այս պղնձէ օձին և իսկոյն կբժշկուէ»: Խայթուողներն էլ այդպէս էին անում և բժշկուում:

Պղնձէ օձն օրինակ է Յիսուս Քրիստոսին -- ով խաչի վրայ բարձրացած Յիսուսին կհաւատայ, նա կբժշկուէ -- երջանիկ կլինի:

## 11. Մ Ո Վ Ս Է Ս Ի Մ Ա Ն Ը

Երբ քառասուն տարին անցաւ, իսրայելացիները նորից գնացին դէպի Խոստացեալ երկրի սահմանները: Այնտեղ Աստուած խօսեց Մովսէսի հետ և ասաց. «Բարձրացիր Նարաւ լեառը և տես Քանանը, իսկ տեսնելուց ետոյ՝ պիտի մեռնես»: Մովսէսը պատասխանեց. «Տէր, ժողովրդի վրայ մի առաջնորդ նշանակիր»: Աստուած պատասխանեց. «Վեր ան Նաւեսայի որդի Յեսուին, անը ժողովրդի մօտ, կանգնացրո՛ւ Նդիազար քահանայի առաջ. դիր քո ձեռը նրա գլխին և

տուր նրան քո իշխանութիւնն ու զօրութիւնը»:



Մովսէսը կանչեց ժողովրդին և Աստծու պատուէրը յայտնեց նրանց: Նա ասաց. «Ես արդէն հարիւր քսան տարեկան ծերունի եմ. ձեզ այլևս առաջնորդել չեմ կարող. Աստուած ասաց ինձ, որ ես Քանան չեմ մտնի: Բայց մի վախճանաբ, Աստուած ինքը կառաջնորդէ ձեզ. Յեսու

Նաւեան կանցնէ ձեզ հետ Յորդանանը»:

Մովսէսը դարձաւ Յեսուին և ժողովրդեան ներկայութեամբ ասաց. «Քաջացիր և զօրացիր, դու պէտք է տանես սրանց Աստծու Խոստացած երկիրը, դու պէտք է բաժանես՝ երկիրը նրանց մէջ»:

Սրանից ետոյ Մովսէսը նաքաւ լեառը բարձրացաւ: Աստուած ցոյց տուաւ նրան Քանանը, որից ետոյ Մովսէսը մեռաւ Մովաքացոց երկրում: Նրա գերեզմանի տեղը ոչ ոք չգիտէ մինչև այժմս էլ: Իսրայէլացիները Մովսէսի վրայ երեսուն օր սուգ արին:

Բ. ՅԵՍՈՒ

12. ՅԵՍՈՒՆ ՆՈՒԱՃՈՒՄ Է ՔԱՆԱՆԸ

Ա. Մովսէսի մահուանից ետոյ Աստուած ասաց Յեսուին. «Իմ ծառայ Մովսէսը մեռաւ, վեր կաց, անցիր Յորդանանը: Ինչպէս որ Մովսէսի հետն եմ եղել, այնպէս էլ քեզ հետ կլինեմ: Զօրացիր և քաջացիր. իմ պատուիրանները չմոռանաս. գիշեր ու ցերեկ նրանց վրայ մտածիր և կատարիր»:

Յեսուն էլ պատուիրեց իսրայէլի գլխաւորներին ու ասաց. «Ժողովրդին ասացէք, որ պաշար պատրաստեն, երեք օրից ետոյ պէտք է անցնենք Յորդանանը»: Յեսուն ծածուկ երկու

մարդ ուղարկեց երիբովը լրտեսելու: Նրանք վերադարձան և պատմեցին, որ Աստուած Քանանը և երիբովը մեզ կտայ»:

Սրանից ետոյ Յեսուն ասաց քահանաներին.



Քահանայ

«Առէք տապալակ ուխտին և անցէք ժողովրդի առաջով»: Քահանաներն առաջ անցան, իսկ ժողովուրդը հետեւում էր նրանց Յորդանանի միջով: Այսպէս եկան մինչև Երիբով:

Բ. Երիբովի դռները կողպած էին: Աստուած ասաց Յեսուին. «Ահա քաղաքը քեզ էմ յանձնում, պատուիրի՛ր զինուորներին, որ

վեց օր շարունակ՝ օրը մի անգամ քաղաքի շուրջը պտտեն: Եօթներորդ օրը քահանաները թող փողերը փչելով տապանակի առջևից գնան»:


Վերջին օրը եօթն անգամ պատեցէք պարսպի շուրջը: Եօթներորդ անգամին փողերը փչեցէք, իսկ դուք փողի ձայնը լսելուն պէս՝ աղաղակ բարձրացրէք — այս աղաղակի ժամանակ պարիսպները կկործանուեն»:

Յետուն այնպէս էլ արաւ: Քաղաքի պա-



րիսպները կործանուեցան. ժողովուրդը ներս մըտաւ. աւերեց և կոտորեց բոլորին՝ թէ մարդ և թէ կենդանի, իսկ մնացածը կրակ տուին, այրեցին:

Պ. Յետուն երեսուն և մէկ թագաւորի ևս յաղթեց, նրանց երկիրները նուաճեց ու բաժանեց իսրայէլի 12 ցեղի մէջ՝ իւրաքանչիւրին ի-



4. Խնկոց


րեն յարմար բաժինը տալով: Տապանակ ուխտին բերին Սելով քաղաքը և դրին վկայութեան Խորանի մէջ:

Այն երկիրը, որ Աստուած խոստացել էր իսրայէլացիներին, ստացան:

Յետուն մեռաւ հարիւր տասն տարեկան հասակում: Յովսէփի ոսկորները թաղեցին Սիւքէմ քաղաքում:




1. Աւազան




2. Զոհի սեղան



5. Աւետանակ



6. Առաջաւորաց սեղան



Վկայութեան խորան

L, Գաղթ. II, Սրբութիւն. III, Սրբութիւն Սրբոց:

ա, Զոհի սեղան. բ, Աւագան:

### Դ. ԴԱՏԱԻՈՐՆԵՐ

#### 13. ԳԵՂԵՈՆԸ ՈՐՊԷՍ ԻՍՐԱՅԷԼԻ ԴԱՏԱԻՈՐ

Ա. Յետևն մեռաւ: Մեռել էին և նրա ժամանակակից մարդիկը: Իսրայէլացիներն սկսեցին ամուսնանալ հեթանոս աղջիկների հետ և իրանց աղջիկներն էլ նրանց կնութեան տալ: Կրկին մոռացան ճշմարիտ Աստծուն և սկսեցին կուռքեր պաշտել: Աստուած պատժեց նրանց՝ մատնելով մադիամացիների ձեռք եօթը տարի շարունակ: Ինչ որ իսրայէլացիները ցանում էին, մադիամացիները զալիւ էին հնձի ժամանակ, յափշտակում և ոչնչացնում: Իսրայէլացիները, երբ յաջողութեան մէջ էին, մոռանում էին Աստծուն, իսկ երբ անյաջողութիւն էր պատահում, յիշում էին նրան, այս պատճառով յիշեցին Աստծուն և օգնութիւն խնդրեցին նրանից:

Աստուած էլ երևաց Գեղէնին, որ Մանասէի ցեղիցն էր ու ասաց. «Գնա՛, ազատիր իսրայէլացիներին»: Գեղէնը պատասխանեց. «Ի՞նչ պէս ազատեմ նրանց. ես Մանասէի ցեղի մէջ շատ քիչ բարեկամներ ունեմ, բացի դրանից՝ մեր տանը ես ամենից փոքրն եմ»: Աստուած ասաց

նրան. «Ես քեզ կօգնեմ—կործանիր Բահաղի սեղանը, կոտորիր նրա շուրջը գտնուող անտառը և Աստծու համար սեղան շինիր»:

Գեղէնը հետն առաւ իւր ծառաներից տասը հոգի և գիշերով կատարեց Աստծու հրամանը: Առաւօտը, երբ քաղաքի բնակիչները զարթեցին, տեսան, որ Բահաղի սեղանը կործանուել է, իսկ անտառը կտրատուած ու մի ողջակէզ դրած Շհովայի սեղանի առաջ: Սկսեցին միմեանց նայել և ասել. «Այս բանն անշուշտ Յովասի օրդի Գեղէնն արած կլինի»:

Քաղաքացիները Յովասի մօտ եկան և ասացին. «Մեզ յանձնիր քո օրդուն, նա պէտք է մեռնի, որովհետեւ Բահաղի սեղանը կործանել է»: Իսկ Յովասն ասաց. «Դուք կամենում էք Բահաղի փոխարէն դատաւոր լինել. եթէ նա աստուած է, թող ինքն իրան պաշտպանէ և վրէժխնդիր լինի իւր սեղանը կործանողից»:

Ք. Սրանից ետոյ Գեղէնը հրամայեց իսրայելի միւս ցեղերին, որ իւր մօտ ժողովուեն: Անթիւ գէնք կրող մարդիկ հաւաքուեցան Գեղէնի մօտ և նա առաջնորդեց նրանց դէպի մագիսացիները: Աստուած ասաց Գեղէնին. «Քո հետ եղած ժողովուրդը շատ շատ է. թերևս իսրայելացիները պարծենան և ասեն՝ մենք ազատեցինք մեզ—երկչոտներին հեռացրո՛ւ»: Քսան երկու հազար հոգի ետ դարձան, մնաց տասն հա-

զար: Աստուած կրկին անգամ ասաց Գեղէնին. «Դարձեալ շատ է զօրքդ, երեք հարիւր մարդ բաւական է»: Գեղէնը կատարեց Աստծու հրամանը: Մաղիամացիների բանակը հովտի մէջն էր, իսկ իսրայելացիներին՝ լեռան վրայ:

Կէս գիշերին Գեղէնը երեք հարիւր հոգին երեք մասի բաժանեց, իւրաքանչիւրին մի հատ եղջիւրէ փող և մի հատ էլ վառած սափուր տուաւ



ու ասաց. «Ինձ նայեցէք, ինչ որ ես անեմ, նոյնն էլ դուք արէք»:

Գեղէնը գիշերով մաղիամացիների բանակը մտաւ, հրամայեց փողերը փչել ու սափուրները կոտորատել: Այդպէս էլ արին միւսները և սկը-

սեցին աղաղակել. «Ահա Աստծու և Գեղէոնի սուրբը»: Մազիամացիների զօրքը զարհուրեց— կարծեցին թէ իսրայէլացիները բազմաթիւ են, ուստի սկսեցին փախչել:

Այս յաղթութիւնից ետոյ իսրայէլացիներից ոմանք ասացին Գեղէոնին. «Մեզ վրայ իշխան եղիր՝ դու, քո որդին և քո որդու որդին»: Գեղէոնը մերժեց. «Ո՛չ ես և ոչ իմ որդին, այլ Աստուած է ձեր իշխանը»: Գեղէոնը դարձաւ դատաւոր և քառասուն տարի շարունակ երկիրը նրա կենդանութեան ժամանակ խաղաղ էր:

#### 14. Ս Ա Մ Փ Ս Ո Ն

ա. Իսրայէլացիները նորից հեռացան Աստուոց և սկսեցին Բահաղին պաշտել: Աստուած նորից պատժեց նրանց և այս անգամ մատնեց փղշտացիների ձեռք: Աստուած Սամփսոն անունով մէկին դատաւոր ընտրեց: Սա փղշտացիների երկիրը գնաց՝ այնտեղի աղջիկներից իրեն համար մի կին ընտրելու: Երբ նրանց այգիներին հասաւ, մի երիտասարդ առիւծ նրա առաջը դուրս եկաւ: Սամփսոնն այս գազանի վրայ յարձակուեց և բերանը ձեղքեց: Մի ուրիշ անգամ, երբ նոյն ճանապարհով անցնում էր, կամեցաւ առիւծի գէշը տեսնել և գտաւ նրա բերնի մէջ մի գունդ մեղու և մեղր:

Սամփսոնը փղշտացիներից մի աղջիկ ընտրեց ու հարսանիք արաւ: Երեսուն փղշտացի երիտասարդ հիւր էին հարսանիքին: Սամփսոնն ասաց. «Ես ձեզ մի հանելուկ կասեմ, եթէ մին-



չև հարսանեաց եօթներորդ օրը լուծէք, երեսուն ձեռք զգեստ կստանաք, իսկ եթէ չկարողանաք, դուք տուէք ինձ նոյնքան զգեստ»: Համաձայնեցան և նա պատմեց: Հանելուկն այս էր— «Ուտո-

ոից ունելիք դուրս եկաւ, իսկ հօգօրից քաղցր»։ Նրանք չկարողացան գտնել այս հանելուկի միտքը, գնացին Սամփսոնի կնոջ մօտ և ասացին. «Սաբիր քո մարդուն և այս հանելուկն իմացիր, իսկ եթէ չես անի, մենք քեզ էլ, քո հօր տունն էլ կայրենք»։ Կինն այնքան խնդրեց և լաց եղաւ՝ մինչև որ մարդը յայտնեց գաղտնիքը և նա էլ իւր հայրենակից երիտասարդներին պատմեց։ Եօթներորդ օրը փղշտացիներն ասացին Սամփսոնին. «Ի՞նչ կայ մեղրից քաղցր և առիւծից հօր»։ Սամփսոնը պատասխանեց. «Եթէ դուք իմ կնոջը չստիպէիք, չէիք կարող իմանալ»։

Սամփսոնը գնաց փղշտացիների մի ուրիշ քաղաք. երեսուն մարդ սպանեց, զգեստները բերեց և տուաւ հանելուկը լուծողներին, իսկ ինքը վերադարձաւ Յուդայի երկիրը։ Այդ ժամանակ Սամփսոնի աները նրա կնոջն ամուսնացրեց մի ուրիշի հետ։ Երբ Սամփսոնը իւր կնոջ մօտ վերադարձաւ և այս բանն իմացաւ, բարկացաւ և կամեցաւ պատժել բոլոր փղշտացիներին—երեք հարիւր աղուէս բռնեց, զոյգ զոյգ ագիւներից կապեց. ագիւների մէջ վառած ջահ դրաւ. արձակեց փղշտացիների ցորենի արտերի մէջ և այրեց նրանց այգիները, ձիթենու ծառերն ու արտերը։ Իրա համար փղշտացիները եկան և Սամփսոնի աներոջն ու կնոջը միասին այրեցին։

Սամփսոնին բռնելու համար փղշտացիները յարձակուեցան Յուդայի երկրի վրայ և ստիպե-

ցին խորայելացիներին՝ Սամփսոնին կապած իրանց յանձնել։ Բայց նա իւր կամքով թոյլ տուաւ հայրենակիցներին, որ կապեն իրան և թշնամու ձեռը մատնեն։ Երբ փղշտացիները տեսան նրան, ուրախացան։ Սամփսոնը կտրատեց կապանքը՝ բարակ թելի նման, գտաւ մի սատկած իշի ծնօտ և նրանով հազար մարդ սպանեց։

Ք. Փղշտացի իշխաններն եկան Սամփսոնի կնոջ մօտ և ասացին. «Եթէ քո մարդուն մեր ձեռը մատնես, ամեն մէկս կտանք քեզ հազար և հարիւր արծաթ»։ Երբ Սամփսոնը քնեց, կինը փղշտացիներին իւր մօտ կանչեց։ Նրանք բռնեցին Սամփսոնին. երկաթէ շղթաներով կապեցին. աչքերը բրեցին. Գազա քաղաքը տարան և բանտ դրին, որտեղ նա աղում էր։

Սրանից ետոյ փղշտացիները հաւաքուեցան Դահոն կուռքին զոհ մատուցանելու, որ թշնամուն իրանց ձեռն է մատնել։ Սամփսոնին էլ բանտից դուրս բերին և կանգնեցրին տան երկու սիւների մէջ աեղում։ Տունը լիքն էր բազմութիւնով, իսկ տանիքի վրայ մօտ երեք հազար հօգի էր կանգնած։ Սամփսոնը բռնեց երկու սիւներից և աղաղակեց. «Թող ես էլ այս այլազգիների հետ մեռնեմ»։ Այս ասաց և ինչքան ոյժ ունէր, շարժեց երկու սիւները—տուներ քանդուեց ուրախացողների գլխին։

Սամփսոնը 20 տարի դատաւոր եղաւ։

## 15. Հ Ռ Ո Ւ Թ

Բատաւորները կառավարութեան ժամանակ իսրայէլացիները երկրում սով ընկաւ: Մի մարդ՝ Եղիմելէք անունով՝ իւր Նոյոմին կնոջ և երկու որդիների հետ Յուզայի Բէթղեհէմ քաղաքից գնաց Մովաբացիների երկիրը: Եղիմելէքն այնտեղ մեռաւ, իսկ որդիները ամուսնացան հեթանոս մովաբացի աղջիկների հետ, որոնցից մինի անունը Որփա էր, իսկ միւսինը՝ Հուլթ:

Տասը տարուց ետոյ Նոյոմինի երկու որդին էլ մեռան: Սոքն արդէն անցել էր: Նոյոմինը կամեցաւ հարսների հետ Յուզայի երկիրը վերադառնալ: Ճանապարհին սկեսուրն ասաց հարսներին. «Դարձէք ձեր ծնողների մօտ. Աստուած օրհնէ ձեզ. դուք լաւ կնութիւն արիք իմ որդիների համար և բարի հարսներ եղաք ինձ»: Որփան փաթաթուեց սկեսրոջը, համբուրեց և հրաժարական ողջոյն առաւ, իսկ Հուլթը չկամեցաւ դառնալ: Այն ժամանակ Նոյոմինն ասաց. «Տեսնում ես՝ Որփան ետ դարձաւ իւր ծնողների մօտ, դու ևս հետևիր նրան»: Հուլթը պատասխանեց. «Աստուած մի արացէ, որ ես քեզ միայնակ թողնեմ — ուր դու կլինես, այնտեղ էլ ես. քո ազգը իմ ազգը կլինի և քո Աստուածն՝ իմ Աստուածը. ուր դու կմեռնես, այնտեղ էլ ես — մահը միայն ինձ կբաժանէ քեզնից»: Երբ Նո-

յոմինը տեսաւ Հուլթի որոշումը, էլ ոչ մի խօսք չասաց: Այսպէս նրանք գնացին մինչև Բէթղեհէմ: Երբ տեղ հասան, Նոյոմին ասաց իւր ազգականներին. «Հարուստ հեռացայ ձեզնից, աղքատ դառնում եմ ձեզ մօտ»: Սկեսուրն ու հարսը




բնակւում էին Բէթղեհէմում:

Հունձի ժամանակ էր: Հուլթը դաշտ էր գնում և հասկ էր հաւաքում, որովհետև աղքատ էին: Մի օր Հուլթը գնաց Բոոսի արտը: Այդ ժամանակ Բոոսն էլ եկաւ հնձուորների մօտ, ողջունեց նրանց և ասաց. «Աստուած ձեզ հետ լինի»: Հնձուորները պատասխանեցին. «Աստուած

օրհնէ քեզ»։ Բոոսը հարցրեց Հոութին. «Ո՛ւմ աղջիկն էս»։ Վերակացուն պատասխանեց. «Մա այն մովաբացի աղջիկն է, որ Նոյոմինի հետն է եկել»։ Բոոսն ասաց Հոութին. «Աղջիկս, մի գնա ուրիշի արտը հասկ ժողովելու, ամեն օր արի մեր արտը, կ'աց իմ աղջիկների մօտ, որտեղ նըրանք կ'հնձեն, դու էլ նրանց ետևից հասկեր հաւաքիր. եթէ ծարաւես, իմ ծառաների ամաններից խմիր»։ Հոութը պատասխանեց. «Ես մի օտարական կ'իմ եմ, իմ ո՞ր արժանաւորութեան համար է այդ ողորմութիւնը»։ Բոոսը պատասխանեց. «Ինձ ամեն բան պատմել են, թէ դու ինչպէս ես վարուել սկեսրոջ հետ՝ քո մարդու մահուանից ետ, ինչպէս թողել ես քո հօրն ու մօրը, հայրենիքդ և սկեսրոջ համար եկել ես քեզ անծանօթ երկիր»։ Ծաշի ժամանակ Բոոսը Հոութին հաց էլ տուաւ։ Նա կերաւ, բայց մի կտոր էլ պահեց սկեսրոջ համար։ Երբ Հոութը սկսաւ դարձեալ հասկ ժողովել, Բոոսը պատուիրեց ծառաներին ու ասաց. «Թողէք այդ կնոջը խուրճերի միջից ևս հաւաքէ և մի փոքր էլ աւելորդ թափեցէք, որ նա ժողովէ»։ Այսպէս Հոութը մինչև երեկոյ հասկ հաւաքեց։ Երբ մութն ընկաւ, շալակեց հաւաքածը և տուն դարձաւ։

Նոյոմին հարսի հաւաքած հասկերը և հետը բերած հացի կտորը որ տեսաւ, հարցրեց. «Այսօր ո՞րտեղ էիր հասկ հաւաքում»։ Հոութը պա-

տասխանեց. «Բոոսի արտում»։ Նոյոմին ասաց. «Աստուած օրհնէ նրան, նա մեր ազգականն է»։ Այսպէս Հոութն ամեն օր գնում էր Բոոսի ար-



տը և հասկ էր ժողովում մինչև հնձի վերջանալը։ Բոոսը Հոութին հաւանեց և նրա հետ ամուսնացաւ։ Աստուած նրանց մի սրղի պարգևեց, որին անուանեցին Ուրէթ։ Նոյոմին էլ երեխայի դայեակը դարձաւ։ Ուրէթը Յէսսէյի հայրն էր, իսկ Յէսսէն էլ՝ Դաւիթ թագաւորի։

## 16. ՀԵՂԻ ԵՒ ՍԱՄՈՒԷԼ

Ա. Հեղիի քահանայապետութեան ժամանակ մի մարդ էր ապրում Եղիանա անուով՝ իւր կին Աննայի հետ: Նրանք անգաւակ էին: Սովորութիւն ունէին ամեն տարի Սելով քաղաքը ուխտ գնալու և Աստծուն զո՞ մատուցանելու: Աննան մի անգամ Սելով գնալիս՝ խիստ տրտմեց. լաց եղաւ. աղօթեց Աստծուն և ասաց.



«Տէր Սաքաւովթ, քեզ յայտնի է իմ նեղութիւնը. եթէ դու ինձ մի որդի պարգևես, քեզ կնուրբեմ, որ մինչև իւր մահը ծառայէ»: Հեղի քահանայապետը նստած էր վիւթութեան խորանի դրանը և ուշադրութեամբ նայում էր Աննային: Եւ որովհետև երկար տևեց նրա աղօթքը, Հեղին ասաց. «Աննա, քանի՞ աղօթես»: Աննան պատասխանեց. «Ես մի վշտացած կին եմ, սիրտս Աստծու առաջ բաց եմ անում»: Հեղին ասաց. «Թող Իսրայէլի Աստուածը քո խնդիրը կատարէ»: Կինը վերադարձաւ տուն, նրա սիրտն այլ ևս այնպէս տխուր չէր:

Աստուած լսեց Աննայի աղօթքը և նրան մի որդի պարգևեց, որին անուանեցին Սամուէլ, որ նշանակում է «Աստուածանից խնդրած — Աստուածատուր»: Երբ մանուկը մի քանի տարեկան դարձաւ, մայրը Սելով բերաւ՝ Հեղի քահանայապետի մօտ և ասաց. «Տէր, ես այն կինն եմ, որ քեզ մօտ կանգնած աղօթում էի այս մանկան համար. Աստուած լսեց իմ աղօթքը, դրա համար էլ ես նրան եմ ընծայում իւր տուածը»: Աննան շնորհակալութիւն արաւ Աստծուն և տունը դարձաւ, իսկ մանուկ Սամուէլը մնաց Հեղիի մօտ և Տիրոջ տանը սպասաւորութիւն էր անում:

Բ. Հեղիի որդիները շատ վատ մարդիկ էին, խլում էին իսրայէլացի ուխտաւորներին զո՞նի



մեծ մասը—փոխանակ էրին և մորթին ստանալու, որ օրէնքով Մովսէսը քահանաներին էր յաակացրել, պղնձի միջից էլ շոկում էին եփած զոհի լաւ կտորները և տանում էին: Ծերունի Հեղին գիտէր այս ամենը—նա յաճախ խրատուներ, բայց չէին լսում: Իսկ մանուկ Սամուէլը աճում էր և զօրանում: Նրան սիրում էին և Աստուած և՛ մարդիկ:

Մի անգամ, երբ Սամուէլը վկայութեան խորանի առաջ քնած էր, ձայն լսեց, որ ասում էր. «Սամուէլ, Սամուէլ»: Սամուէլը վազեց Հեղիի մօտ և ասաց. «Այստեղ եմ, ինչո՞ւ կանչեցիր»: Հեղին պատասխանեց. «Ես քեզ չեմ կանչել, զարձիր և քնիր»: Աստուած Սամուէլին երկրորդ, երրորդ անգամ կանչեց: Սամուէլը կրկին անգամ գնաց Հեղիի մօտ: Հեղին հասկացաւ, որ Աստուած է նրան կանչողը, ասաց. «Դարձիր և քնիր, եթէ մի անգամ էլ ձայն լսես, ասա, Տէ՛ր, քո ծառան լսում է քեզ»: Սամուէլը զարձաւ իւր տեղը: Աստուած նորից ձայն տուաւ. «Սամուէլ, Սամուէլ»: Սամուէլը պատասխանեց. «Ասա, Տէ՛ր, քո ծառան լսում է քեզ»: Աստուած ասաց. «Ես կամենում եմ Հեղիին և իւր որդիներին պատօել»: Սամուէլը վախենում էր այս բանը Հեղիին յայտնելու:

Այն ժամանակ Հեղին կանչեց նրան և ասաց. «Աստուած ի՞նչ ասաց քեզ, մի ծածկիր



ինձնից»։ Սամուէլը պատմեց նրան իւր լսածը։ Հեղին ասաց. «Ինչ որ բարի է, թող Աստուած այն կատարէ»։

Պ. Իսրայէլացիները պատերազմ ունեցան փղշտացիների հետ և յաղթուեցան։ Իսրայէլիժերերն ասացին. «Ուխտի տապանակը

Սելովից բանակ բերենք, որ ազատէ մեզ» և բերել տուին։ Տապանակի հետ եկան և Հեղիի երկու որդիները։ Երբ տապանակը բանակ բերին, իսրայէլացիները սկսեցին ուրախանալ, իսկ փղշտացիներն ասում էին միմեանց. «Իսրայէլի Աստուածը բանակ է եկել, ով փղշտացիներ, քաջ պատերազմեցէք, որ ծառայ չլինենք նրանց»։ Պատերազմում իսրայէլացիները յաղթուեցան։ Հեղիի երկու որդիները սպանուեցան, ուխտի տապանակն էլ գերի ընկաւ։

Մինը պատերազմի դաշտից՝ հանդերձները

պատառելով և գլխին հող ցանելով՝ եկաւ Սելով։ Հեղին վկայութեան խորանի դրանը աթոռի վրայ նստած էր։ Նա հարցրեց եկող մարդուն բանակի մասին։ Դեռ պանը պատասխանեց. «Իսրայէլը յաղթուեց, քո երկու որդիներն սպանուեցան և ուխտի տապանակն էլ գերի ընկաւ»։ Այս գուժը լսելուն պէս՝ Հեղին աթոռից վայր ընկաւ, մէջքը կոտրուեց ու մեռաւ։

Պ. Սամուէլը սկսաւ քարոզել և խրատել իսրայէլացիներին։ Ժողովուրդը խոստովանեց, որ նա Աստուծո ճշմարիտ մարգարէն է, ուստի և նրան դատաւոր ընտրեց։ Սամուէլը հաւաքեց բոլոր իսրայէլացիներին և ասաց. «Եթէ դուք սրտանց դառնաք դէպի ճշմարիտ Աստուածը, թողնէք օտար աստուածներին, այն ժամանակ ձեզ կազատէ փղշտացիների ձեռից»։ Իսրայէլացիները հեռացան կուռքերից։

Երբ փղշտացիները Սամուէլի դատաւոր ընտրուեցին իմացան, նորից եկան պատերազմելու։ Թշնամին յաղթուեց։ Փղշտացիները փախան և Սամուէլի կենդանութեան ժամանակ այլ ևս չհամարձակուեցան իսրայէլացիների դէմ գէնք բարձրացնել։

բ.

## 17. ՈՐ ՈՄ Ի ԱՌԱԿԸ

Մի մարդ իւր արտումը բարի սերմ ցանել ատուաւ: Իսկ նրա թշնամին գիշերով եկաւ և ծածուկ արտի մէջ որոմ ևս ցանեց ու գնաց: Երբ ցորէնը կանաչեց, որոմներն էլ հետը բուսան:

Ծառաներն այս բանը նկատեցին, զարմացան, եկան տիրոջը յայտնեցին՝ ասացին. «Տէր, դու քո արտումը չէ՞ որ բարի սերմ ցանեցիր, որոմները սրտեղից են»: Տէրը իսկոյն իմացաւ այդ բանը, ուստի պատասխանեց և ասաց. «Սա իմ թշնամին է արել»: Ծառաներն ասացին. «Եթէ այդպէս է, իրաւունք տուր մեզ, որ գնանք և որոմներն արմատից հանենք»: Իմաստուն տէրը պատասխանեց. «Ո՛չ, որոմները հանելիս՝ ցորէնն էլ հետը դուրս կգայ, թողէք միասին մեծանան մինչև հունձը, իսկ հնձի ժամանակ կասեմ հնձուորներին— որոմներն առանձին հնձեցէք և խուրձ կապեցէք այրելու համար, իսկ ցորէնը ժողովեցէք իմ շտեմարանի մէջ»:

Փոքրիկ մանուկներ, ձեր ծնողները, ուսուցիչները և ձեզ սիրող բարի մարդիկը ձեր սրբտերուձ բարի սերմեր են ցանում, բայց կան և վատ տղաներ, որոնք ձեզ խաբում են և չար սերմեր՝ որոմներ են ցանում ձեր մէջ: Զգուշացէք այդ վատ տղաներից:

## 18. ԱՆՄԻՏ ՀԱՐՍՏԻ ԱՌԱԿԸ

Մի հարուստ մարդու արտերն առատ պտուղ ատւին: Նա ինքն իրան այսպէս էր մտածում. «Ո՞րտեղ ժողովեմ այսքան բերքերս. շտեմարաններս փոքր են. կքանդեմ զրանց. նորերը կշինեմ՝ աւելի մեծ և արտերիս բերքերն այնտեղ կհաւաքեմ: Էլ ի՞նչ հողս ունիմ, երկար տարիներ կուտեմ, կխմեմ և կուրախանամ»: Նա փոխանակ այսպէս մտածելու՝ թէ քանի քանի աղքատներ կան, որոնք ոչինչ չունին, Աստուած ինձ այսքան բարիքներ է ատուել, մի քիչ էլ նրանց համար բաժին հանեմ, միմիայն իւր համար մտածեց: Այս բանը դուր չեկաւ Աստուծոյ, ուստի հարստին հասկացնելու համար՝ ասաց. «Անմիտ, այս գիշեր որ քո հողին առնեմ, այսքան կարողութիւնդ ի՞նչ պիտի անես»:

Փոքրիկ մանուկներ, եթէ դուք էլ շատ բան ունենաք, չունեցողներին մի մոռանաք, նրանց էլ բաժին հանեցէք ձեր աւելորդից, թէ չէ Աստուած ձեր վարմունքն էլ չի հաւանի:

## 19. ԹԱԳՈՒՅՅԵԱԼ ԳԱՆՁԻ ԵՒ ՄԱՐԳԱՐՏԻ ԱՌԱԿՆԵՐԸ

Մի մարդ ազարակում գտնձ գտաւ: Ուրախութիւնից գնաց և ինչ որ ունէր չունէր ծախեց ու գնեց այդ ազարակը:

Մի վաճառական էլ մի գեղեցիկ մարգարիտ էր փնտռում, բայց իւր որոնածից աւելի լաւը գտաւ, իսկոյն վաճառեց իւր ունեցածը և գնեց այդ պատուական մարգարիտը:

## 20. ՄԵՐ ԸՆԹՐԻՔԻ ԱՌԱԿԸ

Մի մարդ մեծ ընթրիք պատրաստեց և ծառայի ձեռով շատերին հացի հրաւիրեց: Հրաւիրուածները բոլորն էլ մերժեցին զանազան անհիմն պատճառներով: Մէկն ասաց. «Արտ եմ գնել, պէտք է գնամ տեսնեմ, չեմ կարող գալ»: Երկրորդն ասաց. «Հինգ լուծ եզն եմ գնել, պէտք է գնամ փորձեմ, թէ ինչպէս են քաշում»: Երրորդն էլ ասաց. «Նոր եմ պսակուել, չեմ կարող գալ»: Այսպէս ամենքն էլ հրաժարուեցան անմիտ պատճառներ բերելով—արտը գնելուց ետոյ՝ տեսնելն ինչ հարկաւոր բան էր, նա պէտք է մինչև գնելը տեսնէր և կամ եզները գնելուց ետոյ՝ փորձ անելն ի՞նչ միտք ունէր, այդ բանը պէտք է գնելուց առաջ անէր, իսկ երրորդը կարող էր կնոջն էլ հետը տանէր, ի՞նչ անենք թէ մենակ ինքն էր հրաւիրուել—տան տէրը նրան դուրս չէր անի:

Ծառան եկաւ և տիրոջը յայտնեց, որ հրաւիրուածները հրաժարուում են: Տանտէրը նեղացած ասաց ծառային. «Գնա՛ քաղաքի հրապարակները, փողոցները և հրաւիրի աղքատներին,

խեղճերին, կաղերին և կոյրերին»: Ծառան այդպէս էլ արաւ և եկաւ յայտնեց տիրոջն այսպէս. «Տէր, քո հրամանը կատարեցի, բայց տանն էլի տեղ կայ հիւրերի համար»: Այն ժամանակ տէրըն ասաց ծառային. «Հիմա էլ գնա՛ քաղաքից դուրս, ճանապարհի վրայ ումը տեսնես, հրաւիրի, որպէսզի տունս լցուի հիւրերով»:

Երբ տունը հիւրերով լցուեց, տանտէրն ասաց. «Ճշմարիտ եմ ասում, առաջին անգամ հրաւիրուած մարդկանցից ոչ մէկն իմ ընթրիքը չի ուտի»:

Փոքրիկ մանուկներ, Աստուած ամեն օր հրաւիրում է ձեզ եկեղեցի, ուսումնարան... լսելու նրա պատուէրները, բայց շատերը չեն գնում և սրանով շատ բանից զրկում են: Դուք այդ մարդոց նման մի վարուէք, եթէ ուզում էք բախտաւոր լինել:

Գ.

## ԿԱՐԳ ԱՍՏՈՒԱԾՊԱՇՏՈՒԹԵԱՆ

### 21. Ե Կ Ե Ղ Ե Յ Ո Ւ Չ Ե Ի Ը

Հին ժամանակուայ քրիստոնեաները մեզ նման փառաւոր շէնքերով եկեղեցիներ չունէին: Նրանք հաւաքուում էին մի հասարակ տան մէջ՝ շատ անգամ գետնափոր տներում և միասին ա-

դօթում էին, իսկ աղօթքից ետոյ հացը կտրում էին, բաժանում և ապա հաղորդում: Տան վերևի մասը փոքր ինչ բարձր էր. դա այն ժամանակուայ սեղանն էր — այստեղից էր քարոզում քահանան:

Աւելի ուշ ժամանակներում աղօթատեղիի՝ եկեղեցու միջին մասին նաւի ձև տուին, որ նշանակում էր, թէ եկեղեցին մի նաւ է, որի մէջ մտնող քրիստոնէաները նաւում են դէպի նաւահանգիստ՝ երկնքի արքայութիւնը: Երբեմն էլ կլոր ձև էին տալիս: Նաւի մէջ մտնելու իրաւունք ունէին միայն նրանք, որոնք մկրտուած էին, իսկ չմկրտուածները նաւի ետևում էին կանգնում, ուր սիւներ կային՝ վարագոյրով միացրած: Չմկրտուածները այս վարագուրի ետևում էին կանգնում, իսկ երբ սովորում էին Քրիստոսի պատուէրները, եպիսկոպոսը կամ քահանան քննում էր և ապա իրաւունք էին ստանում մկրտուելու և նաւի մէջ մտնելու:

Փոքր ինչ ետոյ նաւակի աջ ու ձախ կողմերում երկու փոքրիկ նաւեր ևս որոշեցին և այսպիսով եկեղեցին խաչի ձև ստացաւ, որ մինչև մեր օրերը պահպանուում է: Երբ քրիստոնէութիւնն ազատ կրօն դարձաւ, սկսեցին ամեն տեղ գեղեցիկ եկեղեցիներ շինել խաչաձև յատակագծով, որ ծագել է երեք նաւերի միաւորութիւնից: Կլոր ձևն էլ մեր ներկայ գմբէթն է, որ ե-

կեղեցու մէջ տեղումն է: Եկեղեցու սիւները միանում են կամարներով — սա էլ երկինքն է յիշեցնում մեզ: Եկեղեցու շինուածքը բաժանուում է երեք մասերի — գաւիթ, ատեան և բեմ:

## 22. ԵԿԵՂԵՑՈՒ ԲԱԺԱՆՈՒՄՆԵՐԸ

Գաւիթ — Այժմեան եկեղեցիները գաւիթ չունեն — սա հին եկեղեցու այն մասն է, ուր կանգնում էին չմկրտուածները (երեխաները):

Ատեան — Այն տեղն է, ուր կանգնում են հոգևորականները և ժողովուրդը: Եկեղեցու հին սովորութեան համաձայն՝ առաջ կանգնում են հոգևորականները, որ կոչուում է դաւ, ետոյ՝ աղամարդիկ, իսկ ամենից վերջը՝ կանայք: Սեղանի աջ կողմի պատի մէջ աւազանն է, իսկ նրա դիմաց՝ ըուրվառանոցը:

Բեմ — Ատենից ետևն աստիճանով բարձր է, մէջ տեղում շինած է վէմ քարից մի խաչաձև սեղան: Այս քարն օծում են և ապա վրան պատարագ մատուցանում — առանց սրան պատարագ չի կարելի անել: Բեմից է քարոզում եպիսկոպոսը: Այստեղ իրաւունք ունին բարձրանալ միայն հոգևորականները և կամ որոց իրաւունք է տրուած: Սեղանը շինուած է բեմի վրայ. նրա առաջ վարագոյր կայ քաշած. հարկաւոր ժամանակ բաց են անում և ծածկում:

Բեմի վրայ վէմ քարի վրայ շինւած է խաչկալը, որի աջ և ձախ կողմերում դռներ կան: Այս դռների վրայ պէտք է նկարել Թադէոս և Բարդուղիմէոս առաքեալների պատ-



կերները, որոնք հայոց եկեղեցու գլխաւոր սիւներն են:

Երկու դռների մէջ տեղում վէմ քարի վրայ երեք աստիճան է շինուած, որոց վրայ դրած են ամենից բարձր՝ խաչ, ետոյ՝ Քրիստոսի պատկերը (ղատատաակ), իսկ վերջը՝ աւետարան: Աստի-

ճանների ետևում Աստուածածնի պատկերն է՝ Յիսուսին գրկած: Այս երեք աստիճանների վրայ դրած է լինում միասնամանր և մասնատուփը:



Սեղանի աջ դռան կողմում ներսից ընծայարանն է, որտեղ սկիհն են պահում:

Եկեղեցու հիմքի զանազան կողմերում դնում են առաքեալների, աւետարանիչների և Ս. Գրիգոր Լուսաւորչի անուններով օծած քարեր — ընդամենը 16 հատ և ապա սրանց վրայ հիմն են ձգում, որովհետև քրիստո-

նէութիւնը սրանք տարածեցին ամեն տեղ — հիմնեցին զանազան տեղերում եկեղեցիներ և նրա հիմքը եղան: Այդ քարերը անտաշ պիտի լինեն, որ նշանակում է, թէ առաքեալներն ուսում չունէին և Սուրբ Հոգւոյ շնորհով էին քարոզում: Քարերը առաջ լուանում են, որ նշանա-

կում է մկրտել և ապա օծում են, որ նշանակում է որոշմ: Բեմի վրայ է վէժ քարը—սա Բրիստոսի օրինակն է, որ իւր հիմնած եկեղեցու սուրբ սեղանի վրայ բազմած է:

Բեմի աջ և ձախ կողմերում երկու խորաններ կան—աշակողմեանը զգեստաւորուելու համար է, իսկ ձախակողմեանը՝ զգեստները պահելու համար:

Շինութիւնն աւարտելուց ետոյ՝ եկեղեցին օծում են:

### 23. ՍՐԲԱԶԱՆ ԱՆՕԹՆԵՐ ԵՒ ԶԱՐԴԵՐ

Սկիհ—Այն անօթն է, որի մէջ պատարագիչը մաքուր գինի է ածում և անաղ ու անխմոր հաց՝ նշխարն է գնում: Սկիհի բերանին գնում են մի խուփ, որի անունն է մնաղմա: Սկիհը շինում են կամ ոսկուց կամ արծաթից:

Մասնատուփ—Փոքրիկ տուփ է՝ ոսկուց կամ արծաթից շինած, որի մէջ գնում են մաքր՝ կամ հազորգը և երբ մինը յանկարծ հիւանդանում է կամ եկեղեցի չի կարողանում գալ, տուն են տանում և հազորգում:

Միտոնաման—Նոյնպէս ոսկուց կամ արծաթից շինած մի աման է, ըստ մեծի մասին աղաւնու նման—մէջն ածում են սուրբ միւռոնը, մկրտում երեխաներին կամ պատկերներ օծում:

Քշոց—Քշոցը զարդ է, կոթը փայտից է,

իսկ վերեի կըր մասի վրայ վեցթեան Սերովբէ և Բերովբէ հրեշտակապետների պատկերներ կան նկարած, որ նշանակում է, թէ նրանք ևս սպասաւորում են պատարագի ժամանակ: Կոթի վերին մասից թաշկինակ է կախած:

Բուրվառ—Մէջը կրակ են ածում և վրան խունկ ծխում, որ նշանակում է, թէ ինչպէս այդ խնկի ծուխը դէպի վեր է գնում, այսպէս էլ մեր աղօթքը դէպի Աստուած ենք ուղղում:

Խաչվառ—Սա եկեղեցական դրօշակ է—մի պատկեր՝ կտակի վրայ, որի մի կողմում Խաչելութիւնն է, իսկ միւս կողմում՝ Աստուածածինը Յիպուսին գրկած: Պատկերը կախ է տուած մի ձողից, որի գլխին տնկած է խաչ:

Խնկաման—Փոքրիկ արկղ է, չորս անկիւններում մի մի խաչ, իսկ մէջ տեղում՝ մոմի տեղ: Մէջը խունկ կայ, երբ սարկաւազը բուրվառ է պնդում, քահանան այստեղից խունկ է հանում և ածում կրակի վրայ: Սարկաւազը աջ ձեռով բուրվառն է բռնում, իսկ ձախով ինկամանը:

### 24. Զ Գ Ե Ս Տ

#### 1. ԴՊԻՐՆԵՐԻ ԿՍՄ ՏԻՐԱՅՈՒՆԵՐԻ ՀԱՄԱՐ

Շապիկ—Գլխից մինչև ոտները՝ երկայն պիտակ կամ ծաղկեայ հասարակ՝ մաքուր շապիկ, որ նշանակում է, թէ ինչպէս արտաքուստ մա-

քուր է շորերը, այնպէս էլ ներքուստ՝ սիրտը սրա նման մաքուր պիտի լինի:

2. Ս Ա Ր Կ Ա Ի Ա Գ Ի Հ Ա Մ Ա Ր

Ուրար—Երկայն, լայն ժապաւէնի նման, զառ կտորից, որ ձգում է ձախ թևի վրայ: Սա նշանակում է, թէ սարկաւազն աւետարանի լուծը դեռ ամբողջապէս չէ կրում, այլ՝ մասամբ, այն է ձախ ուսով: Սարկաւազը հագնում է և շապիկ:

3. Ք Ա Հ Ա Ն Ա Յ Ի Հ Ա Մ Ա Ր

Քահանան երբ զգեստաւորւում է և պատարագ է մատուցանում, ներկայացնում է Քրիստոսի կեանքը: Պատարագի զգեստները նշանակում են Քրիստոսի կրած չարչարանքները: Քահանայի զգեստները սրանք են—

Շապիկ—Երկայն, վզից մինչև ոտները, գոյնը սպիտակ: Սա նշանակում է այն սպիտակ հանդերձը, որ Հերովդէսը հագցրեց Քրիստոսին ծաղրելու համար:

Գօտի—Նշանակում է այն խարազանը, որով Քրիստոսին խփում էին՝ սեանը կապած:

Բազպան—Այն կապանքն է, որով հրէաները կապեցին Յիսուսի ձեռները Գեթսեմանում:

Փորուրար—Աստծու պատուիրանի լուծն է: Այս լուծը սարկաւազը ձախ ուսով է միայն տա-

նում, իսկ քահանան՝ և՛ աջ և՛ ձախ ուսով—ամբողջապէս:

Շուրջառ կամ նաւիորտի—Նշանակում է կարմիր վերարկուն, որ ձգեցին Քրիստոսի վրայ:

Սաղաւարտ—Նշանակում է այն փշեայ պլասակը, որ Քրիստոսի գլխին դրին:

Վահլաս—Ուսերի վրայ է դնում քահանան, վրան նկարած է 12 առաքեալների պատկերները՝ մէջ տեղումը Քրիստոսը:

4. Ե Պ Ի Ս Կ Ո Պ Ո Ս Ի Հ Ա Մ Ա Ր

Եպիսկոպոսն ունի այն բոլոր զգեստներն՝ ինչ որ քահանան:

Բացի դրանից ունի խոյր կամ թագ, որ միևնոյն նշանակութիւնն ունի, ինչ որ քահանայի սաղաւարտը:

Եմիփորոն—Հինգ խաչով զարդարուած լայն ուրար է, կրում են շուրջառի վրայից—սա է եպիսկոպոսական յատուկ զգեստը:

Արտախուրակներ—Երկու հատ, կէս կանգուն երկարութեամբ կապեր են, կախում են վակասի ետևից—սա զարդ է:

5. Ե Պ Ի Ս Կ Ո Պ Ո Ս Ա Պ Ե Տ Ի Կ Ա Մ Կ Ա Թ Ո Ղ Ի Կ Ո Ս Ի Հ Ա Մ Ա Ր

Բացի քահանայի և եպիսկոպոսի զգեստներից, ունի նաև կոնքեռ, որը քառակուսի ձև ու-

նի և կախուած է լինում գօտքից՝ ձախ կողմից և հասնում է մինչև ծունկը: Կոնքեռը նշանակում է, 1, այն ղենջակը, որով Յիսուս աշակերտների ոտները լուաց, 2, հովուական մախար: Կոնքեռ կրելու իրաւունք միայն կաթողիկոսն ունի: Որտեղ կաթողիկոսը կանգնում է, այնտեղ նրա ոտները տակ փռում են մի փոքրիկ գորգ, որի վրայ արծիւ է նկարած, որ նշանակում է թէ կաթողիկոսն արծուի նման սրապես պիտի լինի:

## 25. ԵԿԵՂԵՑՈՒ ԳԼԽԱՒՈՐ ԳՐԲԵՐԸ

Եկեղեցում շատ տեսակ գրքեր են գործ գնում, բայց մենք կսովորենք միայն գլխաւորները:

1. Աւետարան—Սա մի գեղեցիկ գիրք է, վրան խաչ կայ: Քահանան նրանով օրհնում է եկեղեցի եկողներին: Աղօթաւորները, երբ դուրս են գնում ժամերգութիւնից ետոյ, համբուրում են այս սուրբ գիրքը: Սրա մէջ գրուած է Յիսուս Քրիստոսի կեանքը և նրա բոլոր քարոզութիւնները:

2. Շարական—Այս գիրքը եկեղեցու երգարանն է, նրա մէջ գրուած է այն հոգևոր երգերը՝ շարականները, որոնք երգում են եկեղեցում: Այս հոգևոր երգերը ունին ձայնանիշներ, որոնց համաձայն երգում են քահանաները և զպիբնե-

րը: Բոլոր շարականներն էլ մի տեսակ չեն երգուում, այլ զանազան եղանակներով՝ ձայնով: Ձայ-



ների թիւը ութն է: Շարականները հեղինակել են մեր սուրբ հայրապետները:

3. Խորհրդատետար—Սա մի փոքրիկ գիրք է, գրած է լինում սեղանի վրայ: Քահանան այս գրքով է պատարագ մատուցանում:

4. Ծաշոց.—Սա մեծ գիրք է. կարդում են ճաշուայ ժամերգութեան ժամանակ, դրա համար էլ ասում են ծաշոց: Նրա մէջ գրուած է Հին և Նոր-ուխարից զանազան կտորներ՝ իւրաքանչիւր օրուայ համար առանձին առանձին, նոյնպէս մեր սուրբ հայրապետների գեղեցիկ աղօթքները:

5. Ժամագիրք.—Քրիստոնեաները հասարակ օրերին օրը երկու անգամ՝ առաւօտեան և երեկոյեան գնում են եկեղեցի աղօթելու, իսկ կիրարակէ, տօն և Մեծի պահոց օրերին՝ երեք անգամ: Այս գրքում կարգով որոշուած է թէ առաւօտները, երեկոները և ճաշին ինչ աղօթքներ, երգեր, սաղմոսներ և ընթերցուածներ պիտի կարդան և երգեն, դրա համար էլ գրքի անունն է ժամագիրք, այսինքն ժամերի գիրք:

6. Մաշտոց—Այս գիրքն առաջին անգամ գրել է հայոց տառերի գտնող սուրբ Մեսրոպը Մաշտոցը, սրա համար էլ նրա անունով կոչուած է Մաշտոց: Այստեղ որոշուած են թէ եկեղեցու եօթը խորհուրդները և ձէսերը ինչպէս պիտի կատարել, օրինակ ինչպէս պէտք է երեսային մկրտեն, պսակ անեն, թաղեն, քահանայ, եպիսկոպոս, կաթողիկոս օծեն, մեռն օրհնեն....



Յ Ա Ն Կ

Ա. Հ Ի Ն—Ո Ի Խ Տ

ԵՐԵՍ

1. Իսրայէլի նեղութիւնները Եգիպտոսում	3
2. Մովսէսի ծնունդը և ազատութիւնը .	5
3. Մովսէսի փախուսար . . . . .	7
4. Աստուած կանչում է Մովսէսին . . . . .	8
5. Եգիպտոսից դուրս գալը . . . . .	10
6. Կարմիր ծովն անցնելը . . . . .	14
7. Իսրայէլացիները անցնում են անապատով . . . . .	16
8. Սինայի օրէնստուութիւնը . . . . .	19
9. Ոսկէ հորթը . . . . .	21
10. Լքտեսներ . . . . .	24
11. Մովսէսի մահը . . . . .	28
12. Յետոն նուաճում է Քանանը . . . . .	30
13. Գեղէնը որպէս իսրայէլի դատաւոր.	35
14. Սամփսոն . . . . .	38
15. Հուսթ . . . . .	42
16. Հեղի և Սամուէլ . . . . .	46

Բ. Ն Ո Ր—Ո Ի Խ Տ

17. Որոմի առակը . . . . .	52
18. Անմիտ հարստի առակը . . . . .	53

437

- 19. Թագուցեալ գանձի և մարգարտի առակ-  
ները . . . . . 53
- 20. Մեծ ընթրիքի առակը . . . . . 54

**Գ. ԿԱՐԳ ԱՍՏՈՒԱԾՊԱՇՏՏՈՒԹԵԱՆ**

- 21. Եկեղեցու ձևը . . . . . 55
- 22. Եկեղեցու բաժանումները . . . . . 57
- 23. Սրբազան անօթներ և զարդեր . . . . . 60
- 24. Զգեստ . . . . . 61
- 25. Եկեղեցու գլխաւոր գրքերը . . . . . 64

437

2013

« Ազգային գրադարան



NL0228540

# ԻՄ ԱՇԽԱՏԱԻՐԱԾ ԿՐՕՆԻ ԴԱՍԱԳՐԵՐԸ

## I. ՈՒՍՈՒՑԻՉՆԵՐԻ ԿՍՄԱՐ

Ստորին օրջան	գինն է մ. Կ.	գեղջ %
1. Ուղեցոյց Հին—Ուլխտի մասն Ա.	» 80	25
2. Ուղեցոյց Հին—Ուլխտի մասն Բ.	» 85	25
3. Ուղեցոյց Նոր—Ուլխտի մասն Ա.	1 »	}
4. Ուղեցոյց Նոր—Ուլխտի մասն Բ.	1 5	
<b>Միջին օրջան</b>		
5. Դասագիրք կրօնի հատոր Դ.	1 50	} 35
6. Դասագիրք կրօնի հատոր Ե.	» 50	
7. Տասն պատուիրան . . . . .	» 50	

## II. ԱՇԱԿԵՐՏՆԵՐԻ ԿՍՄԱՐ

ա. Ծխական դպրոցների համար		
8. Դասատետր կրօնի Ա. տարի . . . . .	»	25
9. Դասատետր կրօնի Բ. տարի . . . . .	»	25
10. Դասատետր կրօնի Գ. տարի . . . . .	»	25
11. Դասատետր կրօնի Դ. տարի . . . . .	»	30
բ. Պետական դպրոցների համար		
12. Դասատետր կրօնի Ա. տարի . . . . .	»	25
13. Դասատետր կրօնի Բ. տարի . . . . .	»	25
14. Դասատետր կրօնի Գ. տարի (ոչ պատ- կերագարդ)	»	30
գ. Ծխական եւ պետական դպր. համար		
15. Հին—Ուլխտ . . . . .	»	50
16. Նոր—Ուլխտ . . . . .	»	45
17. Գործք—Առաքելոց . . . . .	»	45
դ. Տաճկահայ դպրոցների համար		
18. Հին—Ուլխտ . . . . .	»	45
19. Նոր—Ուլխտ . . . . .	»	45
20. Բարոյախօսութիւն (էթիկայ) . . . . .	»	50
21. Մի քանի խօսք հայ կրօնուսույցներին	»	10

## ՑԱՆԿԱՅՈՂՆԵՐԸ ԿԱՐՈՂ ԵՆ ԴԻՄԵԼ

1. Ինձ—Սահակ ա. քհ. Սահակեանց. Бебутовская № 20.
2. «Գիր» եւ միւս հայ գրավաճառներին:
3. Պահետը գտնուում է «Գիր» գրավաճառանոցում: